



## Concello de Vigo

### D<sup>a</sup>. NURIA RODRÍGUEZ RODRÍGUEZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

**C E R T I F I C O:** Que a Xunta de Goberno Local, na **sesión extraordinaria e urxente do 22 de novembro de 2018**, adoptou o seguinte acordo:

#### **4.- PROPOSTA DE SUBVENCIÓN A FAVOR DA AGRUPACIÓN DEPORTIVA VIGO POLO DESENVOLVEMENTO DO “XIV CAMPIONATO DE ESPAÑA DE FÚTBOL 7”.EXPTE. 17472/333.**

Visto o informe xurídico do 31/10/18 e o informe de fiscalización de data 20/11/18, dáse conta do informe-proposta do 18/10/18, asinado polo xefe do Servizo de Deportes, o concelleiro delegado de Área e o concelleiro-delegado de Orzamentos e Facenda, que di o seguinte:

Co obxecto de dar continuidade á tramitación do expediente nº 17572/333 sobre as proposta de subvención a favor da Agrupación Deportiva Vigo co obxecto de colaborar co financiamento dos gastos ocasionados polo desenvolvemento do proxecto “XIV Campionato de España de Fútbol 7”, e tendo en conta o informe de fiscalización emitido pola Intervención do Concello de Vigo de data 26 de Xullo de 2018, procede informar, sobre as consideracións detalladas no dito informe, atendendo ás observacións realizadas no mesmo e que a continuación se detallan:

**a)** Instrumento de concesión da subvención: inclúese memoria con referencia ás esixencias da Lei 40/2015 para a suscripción de convenios, contéñense ao longo do expediente referencias a convenios, pero logo realízase un informe-proposta para outorgala por resolución e non para a aprobación dun convenio. A fórmula da resolución sería axeitada, sempre e cando se xustifiquen as razóns.

- Modifícanse as referencias os convenios.

**b)** As razóns excepcionais non están claras, na propia redación dos textos faise mención á organización do evento, o que é a alleo á actividade para a que se solicita xa que se trata dun torneo fóra da cidade; e tamén se fai mención ao que parece ser a razón de conceder a subvención, relativa á representatividade de Vigo mediante a participación dun equipo da cidade no torneo. En calquera caso, deben quedar acreditadas tanto as razóns de interese público, social e económico ou humanitario ou outras debidamente xustificadas como aquelas que dificulten a súa convocatoria pública.

- Elimínanse as referencias a organización do evento deportivo.
- Reforzanse as razóns de interese público, social e económico ou humanitario ou outras debidamente xustificadas, como aquelas que dificulten a súa convocatoria pública, como se engade a continuación:

Que o réxime xurídico de aplicación do presente informe-proposta atenderá ao previsto no artigo 22.2.c) da Lei 38/2003, de 17 de novembro, Xeral de Subvencións con relación á partida 3410.489.00.01 dispón do



Copia do documento - Concello de Vigo	Data impresión: 03/05/2024 20:24	Páxina 1 de 8
SUBVENCIONS	CSV: AEA94A-C63B31-5C3FDE-5HU2UD-ALB5ZC-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

crédito necesario que dea cobertura á concesión dunha subvención directa por importe de 8.000,00 (oito mil euros), para a participación no “XIV Campionato de España de Fútbol 7”; xa que concorren razóns de interese público e social, así como de exclusividade que non permiten a convocatoria dunha concorrencia pública.

En relación a participación da Agrupación Deportiva Vigo CIF G36651123 débese sinalar a exclusividade e os dereitos da súa participación como única entidade do municipio de Vigo que acadou a invitación para o XIV Campionato de España de Fútbol 7, xunto con 38 equipos de toda España, certificado pola Asociación Nacional de Fútbol 7 amateur non federado CIF G5447995, tal e como se acredita na documentación que presenta a entidade. Polo que ningunha outra entidade deportiva do Concello de Vigo podería participar no evento deportivo.

Na devandita actividade a subvencionar e na subvención mesma concorren singulares circunstancias de interese público, xa que se trata dun proxecto de grande repercusión a nivel nacional e que conta cunha ampla promoción da actividade deportiva, o Campionato de España de Fútbol 7 na súa XIV edición que se realizará en Xixón participará a Agrupación Deportiva Vigo, que levará unha selección dos 18 mellores xogadores de diferentes equipos de fútbol 7 da cidade de Vigo, cun número total de participantes de 700 xogadores, un total de 38 equipos de todo o territorio español, e público de mais de 3.000 persoas. Esta participación nace da organización da competición de Vigo en Xogo que realiza a Agrupación Deportiva Vigo e ca que colabora o Concello de Vigo, como unha competición que está dirixida a favorecer hábitos sociais e saudables de vida a través do deporte amateur a nivel local, promocionando e fomentando o fútbol 7 non profesional cunha participación de mais de 3000 persoas en diferentes deportes como fútbol 7, baloncesto e fútbol sala.

**c)** En calquera caso, débese repasar o conxunto documental unido ao expediente, xa que se botan en falta os seguintes documentos, agás erro:

- Non se atopa o orzamento de ingresos e gastos.
- Non se atopa a Declaración responsable conforme a entidade solicitante non se atopa incurso en prohibición para ser beneficiaria, nin de ser debedora de reintegro doutra subvención,
- Non se atopa declaración das subvencións solicitadas/ concedidas.
- Certificado relativo ás obrigas tributarias fronte ao Concello de Vigo.
  - Os documentos de ingresos-gastos, declaración responsable e declaración de subvencions estaban unidos o expediente a través dun documento. Engadense directamente o mesmo para unha maior visibilidade dos mesmos.
  - Engadese certificado relativo as obrigas tributarias fronte ao Concello de Vigo.



Copia do documento - Concello de Vigo	Data impresión: 03/05/2024 20:24	Páxina 2 de 8
SUBVENCIONS	CSV: AEA94A-C63B31-5C3FDE-5HU2UD-ALB5ZC-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

Por todo o exposto, procédese á modificación do informe proposta considerando e atendendo ás observacións detalladas:

### INFORME PROPOSTA:

O Concelleiro delegado da área de deportes resolveu en data 09/07/18 que se iniciase a tramitación do expediente de subvención a favor da Agrupación Deportiva Vigo en relación á participación no “XIV Campionato de España de Fútbol 7”, que se celebrou na cidade de Gijón os días 22, 23 e 24 de Xuño de 2018.

O evento tivo lugar entre os días 22, 23 e 24 de Xuño de 2018.

O evento, organizado pola Asociación Nacional de Fútbol 7 e ca participación da Agrupación Deportiva Vigo, entidade que posúe os dereitos da competición, contando con gran afluencia de público e difusión en medios de comunicación, tanto nacionais como internacionais.

D. Alejandro Costas Gonzalez, Presidente da entidade participante manifesta que a Agrupación Deportiva Vigo ostentou os dereitos de participación no XIV Campionato de España de Fútbol 7, extremo que acredita mediante a presentación do otorgamento da participación no evento deportivo pola Asociación Nacional de Fútbol 7 Amateur non federado (Achégase a documentación acreditativa no expediente).

O carácter deportivo atópase entre as competencias atribuídas ós municipios no artigo 25.2.l e 127 da Lei 7/1985 e aos municipios galegos no artigo 80.2.n da Lei de Galicia 5/1997, de 22 de xullo, de administración local de Galicia.

O servizo de deportes dispón do crédito necesario de 8.000,00 €, na aplicación 3410.489.00.01 “subvencións a eventos deportivos” do seu vixente orzamento.

Os gastos derivados da participación no proxecto “XIV Campionato de España de Fútbol 7”, segundo o presuposto presentado pola entidade Agrupación Deportiva Vigo, ascenden a un total de 10.098,45 euros, conforme ao programa e Presuposto de ingresos e gastos, recollidos como Anexos da documentación presentada pola entidade.

Que o réxime xurídico de aplicación do presente informe-proposta atenderá ao previsto no artigo 22.2.c) da Lei 38/2003, de 17 de novembro, Xeral de Subvencións con relación á partida 3410.489.00.01 dispón do crédito necesario que dea cobertura á concesión dunha subvención directa por importe de 8.000,00 (oito mil euros), para a participación no “XIV Campionato de España de Fútbol 7”; xa que concorren razóns de interese público e social, así como de exclusividade que non permiten a convocatoria dunha concorrencia pública.

En relación a participación da Agrupación Deportiva Vigo CIF G36651123 débese sinalar a exclusividade e os dereitos da súa participación como única entidade do municipio de Vigo que acadou a invitación para o XIV Campionato de España de Fútbol 7, xunto con 38 equipos de toda España, certificado pola Asociación Nacional de Fútbol 7 amateur non federado CIF G5447995, tal e como se acredita na documentación que presenta a entidade.

Na devandita actividade a subvencionar e na subvención mesma concorren singulares circunstancias de interese público, xa que se trata dun proxecto de grande repercusión a nivel nacional e que conta cunha ampla promoción da actividade deportiva, o Campionato de España de Fútbol 7 na súa XIV edición que se realizará en Xixón participará a Agrupación Deportiva Vigo, que levará unha selección dos 18 mellores xogadores de diferentes equipos de fútbol 7 da cidade de Vigo, cun número total de participantes de 700 xogadores, un total de 38 equipos de todo o territorio español, e público de mais de 3.000 persoas. Esta participación nace da organización da



Copia do documento - Concello de Vigo	Data impresión: 03/05/2024 20:24	Páxina 3 de 8
SUBVENCIONS	CSV: AEA94A-C63B31-5C3FDE-5HU2UD-ALB5ZC-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

competición de Vigo en Xogo que realiza a Agrupación Deportiva Vigo e ca que colabora o Concello de Vigo, como unha competición que está dirixida a favorecer hábitos sociais e saudables de vida a través do deporte amateur a nivel local, promocionando e fomentando o fútbol 7 non profesional cunha participación de máis de 3000 persoas en diferentes deportes como fútbol 7, baloncesto e fútbol sala.

Esta proposta de subvención está suxeita ao cumprimento do determinado obxectivo de utilidade pública e interese social, que a entidade beneficiaria terá que xustificar axeitadamente.

Pola súa banda, a entidade encargárase da participación no proxecto e asumirá todos os gastos derivados da mesma e que, segundo o presuposto presentado, ascenden a un total de 10.098,45 euros, sendo que as partidas subvencionadas polo Concello as que se detallan neste informe-proposta por importe de 8.000,00 €, o que supón un porcentaxe do 79,22 % do total do gasto previsto.

Conforme ao disposto nos artigos 28.1 da Lei 38/2003, de 17 de novembro, xeral de subvencións e 26.1 da Lei de Galicia 9/2007, de 13 de xuño, de subvencións de Galicia, a resolución de concesión, e no seu caso os convenios a través dos cales se canalicen estas subvencións, establecerán as condicións e compromisos aplicables de conformidade co disposto na propia lei. Neste caso serían os seguintes:

a) O obxecto da presente proposta de subvención é coadxuvar no financiamento dos gastos vinculados co desenvolvemento do proxecto deportivo de participación “XIV Campionato de España de Fútbol 7” que se celebrou na cidade de Gijón os días 22, 23 e 24 de Xuño de 2018.

b) A lexislación aplicable, para esta adxudicación de subvención, é a que sinala o artigo 5 la LXS, que se refire o réxime xurídico das subvencións, do que resulta a seguinte normativa configuradora do réxime xurídico destas subvencións: Lei 38/2003, de 17 de novembro, Xeral de Subvencións, co carácter básico e supletoria que resulta da súa disposición final primeira; a normativa autonómica sobre subvencións Lei 9/2007 do 13 de xuño, de subvencións de Galicia; o Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, xeral de subvencións, as vixentes Bases de execución do orzamento do Concello de Vigo; as restantes normas de dereito administrativo e, no seu defecto, as normas de dereito privado.

Así mesmo, será de aplicación o establecido na Lei 15/2014, de 16 de setembro, de Racionalización do Sector Público e outras medidas de reforma administrativa, que modifica o contido da Base de datos Nacional de Subvencións (BDNS) que se contempla no apartado 20.2 da Lei 38/2003, de 17 de novembro, Xeral de Subvencións, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, que establece que o contido da información en materia de subvencións e axudas públicas deber ser obxecto de publicación no portal de transparencia dos Concellos con indicación do seu importe, obxectivo ou finalidade e beneficiarios, e que regula no apartado 20.8 o contido que se debe publicar a través do sistema Nacional de Publicidade das Subvencións, e que entrou en vigor o 1 de xaneiro de 2016, e a Resolución de 10 de decembro de 2015 da Intervención Xeral da Administración do Estado, pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, que regula o rexistro das convocatorias de subvencións e axudas públicas na Base de Datos Nacional de Subvencións, que establece que “Naquelas subvencións ou axudas públicas nas que non sexa preceptiva a convocatoria, o órgano concedente rexistrará na BDNS os datos estruturados



Copia do documento - Concello de Vigo	Data impresión: 03/05/2024 20:24	Páxina 4 de 8
SUBVENCIONS	CSV: AEA94A-C63B31-5C3FDE-5HU2UD-ALB5ZC-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

inmediatamente despois de que se publique a disposición reguladora se se trata de subvencións ou axudas con destinatarios indeterminados, ou no momento da concesión, no resto dos casos”.

c) Esta subvención catalógase como de interese público social, polo que a súa concesión se acolle no previsto no artigo 19, 4.c da lei 9/2007 do 13 de xuño, de subvencións de Galicia, tendo en conta que as actuacións previstas teñen interese público e social, dada a súa natureza de promoción dunha actividade físico-deportiva en concreto. Asemade a Agrupación Deportiva Vigo, é a entidade que posúe os dereitos da competición, que conta ademais cunha previsión de gran afluencia de público e difusión en medios de comunicación, polo que a subvención se establece mediante unha adxudicación directa, non existindo concorrencia ó tratarse dunha única entidade que dinamiza a dita actividade.

d) Esta axuda non ten ningunha incompatibilidade con outras axudas ou subvencións solicitadas ou concedidas procedentes de outras administracións ou entes públicos ou privados.

e) Que a Agrupación Deportiva Vigo non está incursoa en prohibición para ser beneficiaria das subvencións obxecto da Lei de subvencións de Galicia, áchase ao corrente das súas obrigas tributarias e fronte a Seguridade Social e non ten débedas pendentes con este Concello de Vigo, segundo resulta das declaracións responsables e certificacións que figuran no expediente núm. 17472/333.

f) A beneficiaria terá a obriga de presentar a documentación para a xustificación da subvención, no prazo comprendido entre a aprobación do expediente pola Xunta de Goberno Local e como máximo o 16 de novembro de 2018.

A beneficiaria, deberá xustificar o cumprimento da finalidade para a que se propón a subvención e a aplicación dos fondos recibidos. A tal efecto presentará unha conta xustificativa conformada na que constate a declaración das actividades realizadas e dos gastos incorridos por importe da subvención acadada; os xustificantes dos gastos incorridos con facturas ou documentos de valor probatorio equivalente e o importe, procedencia e aplicación dos fondos propios e outras subvencións ou recursos que financiaran tamén a actividade subvencionada.

A xustificación deberá facerse con documentos orixinais pola parte subvencionada e con copias de facturas polo resto do orzamento. Se poderá substituír a presentación de copias de facturas polo gasto do proxecto ou actividade non subvencionada pola presentación dun balance que abarque a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo total foi de ..... euros.

A documentación da conta xustificativa conformada incluírá unha relación de tódolos xustificantes dos gastos incorridos por importe da subvención acadada coas seguintes especificidades:

1. Que os xustificantes de gasto incluídos na conta xustificativa foron aplicados ás actividades subvencionadas.
2. Que no caso de que os gastos presentados constitúan rendementos incluídos no ámbito de aplicación do imposto sobre as Rendas das Persoas Físicas ou Xurídicas e suxeito a Retención, que esta foi practicada, así como que foi declarada, liquidada e ingresada na Axencia Estatal da Administración Tributaria.
3. Que a entidade beneficiaria está ao corrente no cumprimento das súas obrigas tributarias e coa Seguridade Social.



Copia do documento - Concello de Vigo	Data impresión: 03/05/2024 20:24	Páxina 5 de 8
SUBVENCIONS	CSV: AEA94A-C63B31-5C3FDE-5HU2UD-ALB5ZC-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

4. Manifestación doutros ingresos ou subvencións que financiaran o proxecto subvencionado con indicación do seu importe e procedencia.
5. A xustificación deberá facerse con documentos orixinais pola parte subvencionada e con copias de facturas polo resto do orzamento. Se poderá substituír a presentación de copias de facturas polo gasto do proxecto ou actividade non subvencionada pola presentación dun balance que abarque a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo total foi de ..... euros.
6. Xustificantes acreditativos dos gastos vinculados co obxecto desta subvención polo importe subvencionado:
  - Facturas orixinais polo importe da subvención adxudicada, que recollan o número de CIF, a data, o número de factura e o IVE; neste sentido non se admitirán facturas fotocopiadas ou compulsadas nin aquelas que non reúnan as condicións previstas no do RD 1.619/2012, de 30 de novembro polo que se aproba o regulamento polo que se regulan as obrigas de facturación. Nestas facturas se computará o gasto acreditado, deducindo o IVE, salvo que xustifique que está exenta de IVE, os xustificantes corresponderán ós gastos vinculados directamente ó obxecto da subvención.
  - Cando a entidade solicitante demande a devolución do orixinal presentado para a xustificación da subvención, solicitará a través da unidade xestora da tramitación administrativa do expediente o estampillado (art. 73 do regulamento da Lei 38/2003 LXS) da factura orixinal indicando no mesmo o motivo da subvención, así como si o importe do xustificante impútase total o parcialmente á subvención recibida, indicándose neste caso o importe exacto que resulte afectado pola subvención. Posteriormente incorporará o expediente copia do xustificante orixinal estampillado e a unidade administrativa procederá a devolución do orixinal.
  - En xeral os documentos xustificativos corresponderanse con gastos vinculados de forma directa co obxecto desta subvención, admitíndose aqueles nos que non conste de forma expresa si os mesmos foron pagados con anterioridade á finalización do proceso de xustificación.

g) As causas de reintegro da subvención serán as que se determinan no artigo 33 da lei 9/2007 do 13 de xuño, de subvencións de Galicia.

h) Canto ás infraccións e sancións en que poida incurrir a beneficiaria da subvención e procedemento para a súa apreciación e imposición, estarase ao disposto no Título IV da Lei 9/2007, de 13 de xuño, de subvencións de Galicia e na Lei 39/2015, de 1 de outubro, do Procedemento Administrativo Común das Administracións Públicas.

i) A beneficiaria está informada que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención obxecto da presente resolución, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia en orden á conclusión do proceso subvencional, polo que a súa achega é obrigatoria.



Copia do documento - Concello de Vigo	Data impresión: 03/05/2024 20:24	Páxina 6 de 8
SUBVENCIONS	CSV: AEA94A-C63B31-5C3FDE-5HU2UD-ALB5ZC-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



## Concello de Vigo

Os ditos datos serán tratados e protexidos de acordo co previsto na Lei 39/2015, de 1 de outubro, do Procedemento Administrativo Común das Administracións Públicas e na Lei 15/1999, do 13 de decembro, de Protección de Datos de Carácter Persoal, sendo responsable do seu tratamento a Concellería de Deportes.

j) En canto a subcontratación das actividades subvencionadas, a presente resolución autoriza as mesmas conforme ao establecido no artigo 27 da LSG.

O texto da proposta incorpora os contidos mínimos esixidos para a concesión destas subvencións polo art. 26.2 da Lei de Galicia 9/2007 e a Base 38 de execución do vixente orzamento do Concello de Vigo; contidos que se estiman conformes ao interese público que a proposta persegue.

Que en aplicación dos principios recollidos na Lei 19/2013 de decembro, de transparencia, acceso á información pública e bo goberno, a Base de Datos Nacional de Subvencións BDNS operará como sistema nacional de publicidade das subvencións. A tales efectos, e para garantir o dereito dos cidadáns a coñecer todas as subvencións convocadas en cada momento e cara a contribuír aos principios de publicidade e transparencia, a Intervención Xeral da Administración do Estado publicará na súa paxina web as subvencións concedidas, segundo o establecido no artigo 20.4 e 20.8 da Lei 38/2003.

Que a Agrupación Deportiva Vigo non está incurso en prohibición para ser beneficiaria das subvencións obxecto da Lei de subvencións de Galicia, áchase ao corrente das súas obrigas tributarias e fronte a Seguridade Social, segundo resulta das declaracións responsables e certificacións que figuran no expediente nº 17472/333.

A proposta de adxudicación directa ten natureza administrativa e rexerase pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a Lei 40/2015 de 1 de outubro de Réxime Xurídico do Sector Público, a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen nesta proposta; as Bases de Execución dos orzamentos das Administracións asinantes e as restantes normas de dereito administrativo, e no seu defecto, as normas de dereito privado;

Que, de conformidade co artigo 127. g da Lei 7/1985, corresponderá á Xunta de Goberno local a aprobación da proposta e, con carácter previo, a aprobación do gasto de conformidade co previsto no artigo 31 da LG 9/2007.

Á vista do exposto, previo os informes xurídico e da Intervención de fondos, coa conformidade do Concelleiro de deportes e do concelleiro da Área de Orzamentos e Facenda, faise á Xunta de Goberno local a seguinte

### PROPOSTA:

**PRIMEIRO.-** Que se aprobe a concesión dunha subvención a favor da Agrupación Deportiva Vigo, CIF G36651123, pola participación no proxecto do “XIV Campionato de España de Fútbol 7”, que se celebrou na cidade de Gijón os días 22, 23 e 24 de Xuño de 2018, de acordo coas condicións e compromisos que se establecen no presente informe-proposta segundo o disposto nos artigos 28.1 da lei 38/2003 de 17 de novembro, xeral de subvencions e 26.1 da lei 9/2007 de 13 de Xuño, de subvencions de Galicia.



Copia do documento - Concello de Vigo	Data impresión: 03/05/2024 20:24	Páxina 7 de 8
SUBVENCIONS	CSV: AEA94A-C63B31-5C3FDE-5HU2UD-ALB5ZC-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

**SEGUNDO.-** Que se autorice un gasto por importe de 8.000,00 euros, a favor da Agrupación Deportiva Vigo, CIF G36651123, con cargo á aplicación presupostaria 3410.489.00.01 “subvención eventos deportivos” do programa orzamentario da área de deportes para o vixente exercicio.

**Acordo**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.  
O ALCALDE,  
Abel Caballero Álvarez.



Copia do documento - Concello de Vigo	Data impresión: 03/05/2024 20:24	Páxina 8 de 8
SUBVENCIONS	CSV: AEA94A-C63B31-5C3FDE-5HU2UD-ALB5ZC-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		